

UGOVOR ZA NABAVKU USLUGA OBAVEZNOG I KASKO OSIGURANJA MOTORNIH VOZILA

Ugovorne strane:

„ADRIATIC OSIGURANJE“ d.d Podružnica Sarajevo, ulica Trg međunarodnog prijateljstva br. 20, koga zastupa direktor podružnice Alen Hujić, (u daljem tekstu Osiguravatelj)

MUP KANTONA SARAJEVO, ulica La Benevolencije broj 16, koga zastupa ministar unutrašnjih poslova Admir Katica (u daljem tekstu Ugovaratelj osiguranja)

Član 1.

Predmet ovog ugovora je pružanje usluga osiguranja motornih vozila, Lot 1 Obavezno osiguranje od AO i Lot 2 Kasko osiguranje za potrebe MUP-a KS, provođenjem konkurentskog zahtjeva za dostavljanje ponuda, prema Obavještenju o nabavci 1364-7-2-18-3-14/19 od 28.03.2019. godine, a na osnovu Odluke o izboru najpovoljnijeg ponuđača broj 01-14-4-8999/18 od 29.05.2019. godine.

Ponude Osiguravatelja broj 69/19-JG od 01.04.2019. godine su sastavni dio ovog ugovora.

Član 2.

Ugovorne strane se obavezuju da će se pridržavati cijena iz ponude koja je prihvaćena za svako pojedinačno motorno vozilo i da se neće mijenjati u toku trajanja ovog ugovora.

Ukupna vrijednost za Lot 1 obavezno osiguranje od AO motornih vozila iznosi 9.748,87 KM.

Ukupna vrijednost za Lot 2 kasko osiguranja motornih vozila iznosi 15.350,00 KM.

Ukupna vrijednost za Ugovor iznosi 25.098,87 KM.

Osiguravatelj se obavezuje da će pod istim uslovima u periodu trajanja ovog ugovora pružati usluge obaveznog i kasko osiguranja za motorna vozila Ugovaratelja osiguranja.

U slučaju da Ugovorni organ izvrši prodaju vozila ili u slučaju kvara na vozilu prije roka utvrđenog za registraciju i osiguranje, za ta vozila se neće vršiti predmetna usluga.

Član 3.

Osiguravatelj se obavezuje dostaviti bankovnu garanciju za izvršenje ugovora u iznosu 10% ugovorene vrijednosti, u roku od deset (10) dana od dana obostranog potpisivanja ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti rok izvršenja ugovornih obaveza + 30 dana.

Član 4.

Osiguravatelj se obavezuje da za osiguranje vozila izdaje pojedinačne polise sa početkom osiguranja u zavisnosti od isteka registracije vozila, a prema spisku vozila koji je sastavni dio ovog ugovora.

Ugovorni organ se obavezuje da će plaćanje premije za osiguranje vozila (od autoodgovornosti i kasko osiguranje) plaćati po izdavanju polise i dostavljanja fakture, u roku od 20 (dvadeset) dana.

Član 5.

Osiguravatelj se obavezuje da će odmah pristupiti uviđaju i procjeni prijavljene štete, a najkasnije u roku od 24 sata, te se obavezuje da Ugovorni organ može pristupiti saniranju štete kod svakog ovlaštenog servisa za popravku vozila na teret osiguranja.

Ugovorne strane su saglasne da će se utvrđena šteta plaćati u roku od petnaest (15) dana od dana dostavljanja prijave osiguranog slučaja sa kompletnom dokumentacijom.

Član 6.

Osiguravatelj se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ je dužan dostaviti pismeno obavještenje o svakom propustu Osiguravatelja. Ugovorni organ će utvrditi razuman rok za ispravak propusta Osiguravatelja u smislu izvršene usluge.

Član 7.

Na sva ostala prava i obaveze ugovornih strana, koja nisu regulisana ovim ugovorom primjeniće se odredbe Zakona o obligacionim odnosima.

Član 8.

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, utvrđuje se nadležnost Suda u Sarajevu.

Član 9.

Ovaj ugovor se zaključuje na godinu dana od dana potpisa obje ugovorne strane.

Član 10.

Ovaj ugovor je sačinjen u četiri (4) istovjetna primjerka od kojih svaka od ugovornih strana zadržava po dva (2) primjerka.

OSIGURAVATELJ
„ADRIATIC OSIGURANJE“ d.d
PODRUŽNICA SARAJEVO

direktor Alen Hujčić

UGOVARATELJ OSIGURANJA
MUP KANTONA
SARAJEVO

ministar Admir Katica

Broj: 10533272

Datum: 15-07-2019

Broj: 01-14-4-8999/18-2

Datum: 15.07.2019. g.